



BOSNA I HERCEGOVINA
FEDERACIJA BOSNE I HERCEGOVINE
Kanton Sarajevo
Grad Sarajevo
OPĆINA CENTAR SARAJEVO
OPĆINSKO VIJEĆE

**ODLUKA O IZMJENAMA I DOPUNAMA ODLUKE O
IZVRŠAVANJU BUDŽETA
OPĆINE CENTAR SARAJEVO ZA 2023. GODINU**

Sarajevo, april/travanj 2023. godine

Na osnovu člana 46. Zakona o budžetima u Federaciji Bosne i Hercegovine ("Službene novine Federacije BiH", broj 102/13, 9/14, 13/14, 8/15, 91/15, 102/15, 104/16, 5/18, 11/19, 99/19, 25/22) i člana 10. i 68. Statuta Općine Centar Sarajevo – prečišćeni tekst ("Službene novine Kantona Sarajevo", broj 23/04), Općinsko vijeće Općine Centar Sarajevo je na 28. redovnoj sjednici održanoj dana 27.04.2023. godine donijelo

ODLUKU O IZMJENAMA I DOPUNAMA ODLUKE O IZVRŠAVANJU BUDŽETA OPĆINE CENTAR SARAJEVO ZA 2023. GODINU

Član 1.

U Odluci o izvršavanju Budžeta Općine Centar Sarajevo za 2023. godinu ("Službene novine Kantona Sarajevo", broj 02/23) u članu 9. iza stava 7, dodaje se novi stav 8. koji glasi:

„Usluge za projekt izbor najbolje mjesne zajednice i savjeta mjesne zajednice realiziraju se na osnovu prijedloga nadležne službe u saradnji sa Komisijom za mjesne zajednice i saradnju sa općinama i gradovima, a u skladu sa dostavljenom finansijskom dokumentacijom“.

Član 2.

U članu 10. za stava 10 dodaje se novi stav 11. koji glasi:

„Transfer za bratimljenje općina/gradova i zvanično uspostavljanje partnerstva i saradnje realizira se putem nadležne službe na osnovu sporazuma o bratimljenju, programa aktivnosti i finansijskog plana za utvrđene korisnike“.

Član 3.

U članu 11., stav 1, alineja 5. mijenja se i glasi:

„Transfer pojedincima za društveno koristan i humanitarni rad raspoređuje se putem obrazovnih ustanova i udruženja po javnom pozivu na prijedlog nadležne službe u skladu sa kriterijima i potpisanim sporazumom“.

U članu 11. iza stava 20., dodaje se novi stav 21. koji glasi:

Pomoć pojedincima - socijalna zaštita osoba pod supsidijarnom zaštitom isplaćuje se na osnovu rješenja o utvrđenom pravu korisnika, a nakon izvršene uplate sredstava od strane Ministarstva za ljudska prava i izbjeglice BiH“.

Dosadašnji stav 21. postaje stav 22.

Član 4.

U članu 12., stav 3. mijenja se i glasi:

„Transferi organizacijama civilnog društva (neprofitnim organizacijama) neposrednom dodjelom raspoređuje Općinski načelnik zaključkom, prema podnesenim zahtjevima i utvrđenim prioritetima nadležne Službe.

Dio sredstava planiranih na ovom transferu može se dodijeliti na prijedlog Predsjedavajućeg Općinskog vijeća uz prethodnu saglasnost dopredsjedavajućih Općinskog vijeća, na osnovu zaključka Općinskog načelnika, prema podnesenim zahtjevima putem nadležne službe“.

Član 5.

U članu 18., u stavu 1., iza alineje 7. dodaje se nova alineja 8. koja glasi:

„Transfer poljoprivrednicima za nabavku poljoprivredne mehanizacije realizira nadležna služba na osnovu javnog poziva u skladu sa kriterijima za refundaciju dijela troškova nabavke mehanizacije“.

Član 6.

Odluka stupa na snagu narednog dana od dana objavljivanja na oglasnoj ploči Općine Centar Sarajevo, a naknadno će se objaviti u "Službenim novinama Kantona Sarajevo".

Broj: 01-11-3174/23
Sarajevo, 27.04.2023. godine

Predsjedavajući Općinskog vijeća Centar
Sarajevo

Sejad Đozo

Odluka o izmjenama i dopunama Odluke o izvršavanju Budžeta Općine Centar Sarajevo za 2023. Godinu objavljena je na oglasnoj ploči Općine Centar Sarajevo dana 03.05.2023. godine.